


Broj: 05-37-309/17
Sarajevo, 15.03.2017.godine

**DOM NARODA
PARLAMENTA FEDERACIJE BIH
n/p Tajnika**

**DELEGAT DOMA NARODA
PARLAMENTA FEDERACIJE BIH
G-din Edin Forto**

**VLADA FEDERACIJE BIH
n/p Tajnika**



PREDMET: Odgovor na delegatsko pitanje – dostavlja se

Veza: Akt Vlade Federacije Bosne i Hercegovine broj: 05/2-02-4/17 od 16.01.2017.godine zaprimljen 17.02.2017.godine

Poštovana/i,

Federalno ministarstvo zdravstva zaprimilo je akt Vlade Federacije Bosne i Hercegovine broj: 05/2-02-4/17 od 16.01.2017.godine kojim se prosljeđuje delegatsko pitanje delegata u Domu naroda Parlamenta Federacije Bosne i Hercegovine g-dina Edina Forte postavljeno na 16. redovitoj sjednici održanoj 12.01.2017.godine.

Kako se radi o pitanju iz oblasti zdravstva, u pritvku dostavljamo odgovor Federalnog ministarstva zdravstva.

S poštovanjem,

Privitak:
- kao u tekstu

MINISTAR
Doc. dr Vjekoslav Mandić

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

ODGOVOR
NA DELEGATSKO PITANJE EDINA FORTE
IZASLANIKA U DOMU NARODA
PARLAMENTA FEDERACIJE BOSNE I HERCEGOVINE

Sarajevo, ožujak 2017. godine

Edin Forto, izaslanik u Domu naroda Parlamenta Federacije Bosne i Hercegovine, na 16. sjednici Doma naroda Parlamenta Federacije BiH, održanoj 12.01.2017. godine, postavio je izaslaničko pitanje koje glasi:

„Imam jedno pitanje za Ministarstvo zdravstva. Pitanje se odnosi na činjenicu da svake kalendarske godine u ovo doba godine imamo situaciju u kojoj jednoj manjoj populaciji koja je životno ugrožena i opterećena najtežim bolestima karcinoma imaju problem sa nedostatkom lijekova za koji je odgovorno direktno Federalni zavod zdravstvenog osiguranja koji je u nadležnosti ovog Ministarstva.

Tražim od Ministarstva da sprovede istragu i da imenom i prezimenom imenuje one koji su odgovorni za ovo što se dešava iz godine u godinu, a to je da ljudi sa najtežim oboljenjima koji idu na svoju redovnu terapiju dolaze u institucije zdravstva gdje im kažu da nema lijekova. Zvanično objašnjenje iz Federalnog zavoda zdravstvenog osiguranja je vrlo smušeno i nejasno, ono što je nama očigledno ja da procedure nisu izvršene na vrijeme i svake godine u ovo doba imamo zastoj čime direktno ugrožavamo živote onima kojima je ovakva terapija direktno ustvari dovodi njihov život u pitanje.“

Na postavljeno izaslaničko pitanje Federalno ministarstvo zdravstva, u suradnji sa Zavodom zdravstvenog osiguranja i reosiguranja Federacije BiH, daje sljedeći

ODGOVOR

Sukladno članku 13. Zakona o zdravstvenom osiguranju („Službene novine Federacije BiH“, br. 30/97, 7/02, 70/08 i 48/11), točki IX Odluke o utvrđivanju osnovnog paketa zdravstvenih prava („Službene novine Federacije BiH“, broj 21/09), kao i Odluci o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koje će se pružati osiguranim osobama na teritoriju Federacije Bosne i Hercegovine („Službene novine Federacije BiH“, br. 8/05, 11/07, 44/07, 97a/07, 33/08 i 52/08) iz sredstava federalnog fonda solidarnosti koja se vode kod Zavoda zdravstvenog osiguranja i reosiguranja Federacije BiH (u daljnjem tekstu: Zavod), među ostalim, financira se i nabava lijekova sa Liste lijekova Fonda solidarnosti Federacije Bosne i Hercegovine. Naime, iz sredstava federalnog fonda solidarnosti financira se nabava, među ostalim, citostatika i citostatika sa posebnim režimom propisivanja utvrđenih Odlukom o Listi lijekova Fonda solidarnosti Federacije Bosne i Hercegovine, („Službene novine Federacije, br.89/13, 74/14 , 91/14 i 24/16 - u daljem tekstu: Odluka o listi lijekova). Dakle, lijekovi koji, sukladno odredbama Odluke o Listi lijekova, pripadaju listi lijekova fonda solidarnosti Federacije Bosne i Hercegovine, koji se financiraju sredstvima navedenog fonda i koji se nabavljaju od strane Zavoda kao Ugovornog organa, putem javnih nabavi su, među ostalim, i citostatici, te citostatici sa posebnim režimom propisivanja.

Sukladno navedenom Zavod je, kao Ugovorni organ, između ostalih postupaka javnih nabava vodio, odnosno vodi i postupke javnih nabava lijekova, pa i javne nabave citostatika, i to sukladno odredbama Zakona o javnim nabavama („Službeni glasnik BiH“, broj: 39/14 - u daljnjem tekstu: Zakon o javnim nabavama) te odredbama podzakonskih akata donesenih temeljem ovog zakona, odredbama Odluke o utvrđivanju osnovnog paketa zdravstvenih prava, odredbama Odluke o Listi lijekova, odredbama Zakona o lijekovima i medicinskim sredstvima („Službeni glasnik BiH“, broj 58/08), Zakona o lijekovima („Službene novine Federacije BiH“, broj 109/12), Zakona o